

四庫全書

集部

欽定四庫全書

集部

樂城集卷八

詳校官庶吉士臣胡鉦

檢討臣何思鈞覆勘

總校官進士臣朱鈐

校對官助教臣胡子襄

謄錄監生臣王濤

欽定四庫全書

樂城集卷八

詩六十八首

寄范文景仁

京城冠蓋如雲屯日中奔走爭市門弊裘瘦馬不知路  
獨向城西尋隱君隱君白髮養浩氣高論驚世門無賓  
欣然為我解東閣明窓淨几舒華茵春天雪花大如手

宋 蘇轍 撰

九衢斷絕愁四隣平明熟睡呼不覺清詩淥酒時相親  
我兄東來自東武走馬出見黃河濱及門却遣不得入  
回顧欲去行無人東園桃李正欲發開門借與停車輪  
青天露坐列觴豆落花飛絮飄衣巾留連四月聽鶗鴂  
扁舟一去浮奔渾人生聚散未可料世路險惡終勞神  
交遊畏避恐坐累言詞欲吐聊復吞安得如公百無忌  
百間廣廈安貧身

次韻王鞏上元見寄三首

棄擲良宵君謂何  
清天流月鑑初磨  
莫辭病眼羞紅燭  
且試春衫剪薄羅  
蓮艷參差明繡戶  
舞腰輕瘦貼鶯囀  
少年微服天街潤  
何處相逢解佩珂

繁燈厭倦作閑遊  
行到僧居院院留  
月影隨人深有意  
車音爭陌去如流  
酒消鑿落寧論斗  
魚照琉璃定幾頭  
過眼繁華真一夢  
終宵寂寞未應愁

燈火熏天處處同  
暗遊應避柏臺驄  
高情自放喧闐外  
勝事偏多淡泊中  
平日交遊徒夢想  
留都歌吹憶年豐

金定四庫全書  
卷八  
知君未有南來意歸去相從光與鴻

謝張安道惠馬

從事年來鬢似蓬破車倦僕衆人中作詩僅比窮張籍  
得馬還從老晉公夜起趨朝非所事曉騎行樂定誰同  
慣乘欸段遊田里怯聽駸駸兩耳風

張水部集有謝  
裴晉公惠馬詩

次韻子瞻贈梁交左藏

彭城欲往臺無檄初喜東西合為一將軍走馬隨春風  
精銳千人森尺籍口占佳句驚衆坐手練強兵試鳴鏑

酒酣起舞花滿地醉倒不聽人扶出歸來相對如夢寐  
虎踞熊經苦岑寂黃樓方就可同遊飲盡官厨三百石

寒食遊南湖三首

春睡千方覺隔牆聞樂聲肩輿試扶病畫舫聽徐行適  
性逢樽酒開懷挹友生遊人定相笑白髮近從橫

其二

遠郭春水滿被堤新柳黃官池無禁約野艇得飛揚浪  
泛歌聲遠花浮酒氣香晚風歸棹急細雨濕紅粧

其三

攜手臨池路時逢賣酒墟  
柳斜低繫纜草綠薦傾壺  
波蕩春心起風吹酒力無  
冠裳強包裹半醉遣誰扶

觀大閱

承平郡國減兵屯唯有留都一萬人  
票姚將軍思出塞從橫幕府諱和親  
旌旗不動風將轉部曲無聲馬亦馴  
八陣且留遺法在未須親試革車塵

送林子中安厚卿二學士奉使高麗二首



東夷從古慕中華萬里梯航今一家  
夜靜雙星先渡海風高八月自還槎  
魚龍定亦知忠信象譯何勞較齒牙  
屈指歸來應自笑手持玉帛賜天涯

官是蓬萊海上仙此行聊復看桑田  
鯤移鵬徙秋帆健潮濶天低曉日鮮  
平地誰言無嶮岨仁人何處不安全  
但言美酒盈船去多作新詩異域傳

送趙岷秘書還錢塘

世人何局促奔走鬢蒼蒼聞道餘杭守  
獨遊何有鄉禪

心朝吐月元氣夜生光清靜安罷療寬仁服暴強聲名  
高一世風采見諸郎謁帝朱為紱還家綵作裳經過留  
畫舫談笑接清觴問訊顏依舊崢嶸歲自長人生真幾  
許世味不堪嘗歸去聞詩罷求余却老方

馬上見賣芍藥戲贈張厚之二絕

春風欲盡無尋處盡向南園芍藥中過盡此花真盡也  
此生應與此花同

春來便有南園約過盡春風約尚賒綠葉成陰花結子

便須攜客到君家

答見和

花柳蕭條行已老  
聖賢希闊未嘗中  
眼看芍藥紛紛盡  
賴有櫻桃顆顆同

塵編何用朝朝看  
新釀還須處處賒  
好事若能頻載酒  
不妨時復到楊家

送呂希道少卿知滁州

長怪名卿亦坐曹  
忽乘五馬列旌旄  
才多莫厭官無事

金六四庫全書  
卷八  
郡小不妨名自高庶子定應牽賦詠醉翁聊復繼遊遨  
試尋苦戰清流下要識經綸帝業勞

次韻張恕春莫

祇言城市無佳處亦有南湖幾度遊好雨晴時三月盡  
啼鶯到後百花休老猿好飲常連臂野馬依人自絡頭  
不肯低徊池上醉試看生滅水中漚

次韻傅宏推官義方亭

居近古城心自幽簞瓢足用更何求鶯飛旋趁春風出

龍卧終聞莫雨搜科第聯翩收甲乙鄉閭驚怪問因由  
隱君淡泊無人識長夏一衫冬一裘

送梁交之徐州

湖水清且深新荷半猶卷未見紅粧窈窕娘先排翠羽  
參差扇水面風生人未知歌傾俯仰長先見岸上遊人  
莫不歸清香入袖涼吹面投壺擊鞠綠楊陰共盡清樽  
食白飯坐中飛將忽先起輕衫出試彭門遠百步洪西  
白浪翻戲馬臺南雲岫滿江山雄麗信宜人風流孰似

梁王苑

次韻王鞏見寄

日永官閑自在慵，門前客到未曾通。  
憐君避世都門裏，勸我忘憂酒盞中。  
城下柳陰新過雨，湖邊荷葉自翻風。  
早須命駕追清賞，大字新詩事事工。

次韻李達見贈

太學羣遊經最明，青衫顚顚竟何成。  
虀鹽仍作當年味，名譽飛蠅過耳聲。

次韻秦觀秀才攜李公擇書相訪

濟南三歲吾何求，史君後到消人憂。  
君言有客輕公侯，扁舟相從古揚州。  
致之匹馬恨無力，千里相望同異域。  
誦詩空使四坐驚，隱居未易凡人測。  
史君南歸無限情，鴻飛攜書墮我庭。  
此書兼置昔年客袖中，秀句淮山青。  
老夫強顏依府縣，堆案文書本非願。  
清談疊疊解人頤，安得坐右長相見。  
狂客吾非賀季真，醉吟君似謫仙人。  
未契長遭少年笑，白髮應慙傾蓋新。  
都城酒貴誰當換。

塵埃汙面非良筭歸來泗上苦思君莫待黃花秋爛熳

秦君與家兄子瞻  
約秋後再遊彭城

送龔鼎臣諫議移守青州二首

稷下諸公今幾人三為祭酒髮如銀梁王宮殿歸留鑰  
尚父山河屬老臣沂水弦歌重曾點菑川故舊識平津  
過家定有金錢費千里爭看衣錦身

面山負海古諸侯信美東方第一州勝勢未容秦地嶮  
奇花僅比洛城優新絲出盎冬裘具貢棗登場歲事休



鈴閣虛閑官釀熟應容將佐得遨遊

送余京同年兄通判嵐州

矯矯吳越士遠為并代行寒暄雖云異慷慨慰平生我  
昔在濟南君時事溜青連年食羊炙便欲忘尊羹問君  
棄鄉國何似弊屣輕丈夫事所志歸去無田耕閑官少  
媿耻教子終餘齡定心養浩氣閉目收元精此志我亦  
然偶與長者并會合不可期未易夸者評

次韻王鞏見寄

觸事如基一一低昏然一睡更何知賈生流落南遷後  
陶令衰遲歸去時去住由人真水母簞瓢粗足亦山雌  
年來未省談堯舜一呷麤醪豈足吹

河上莫歸過南湖二絕

西來白水滿南池走馬池邊日落時橋底荷花無限思  
清香乞與路人知

淤田水淺客來遲解舫都門問幾時誰道兩京雞犬接  
差除屈指未曾知

送提刑孫頎少卿移湖北轉運

持節憂邦刑職業已自簡下車攝留都談笑事亦辦開  
軒揖佳客退食事書卷為政曾幾何清風自無限官居  
歲月迫歸念湖湘遠依依東軒竹凜凜故人面詔書遂  
公私使節許新換舊治行當經家山企可見宦遊得鄉  
國勞苦願猶願歸旆正滂洋行舟豈容緩

次韻劉涇見寄

天之蒼蒼亦何有亦有雲漢為之章人生混沌一氣耳

嘿嘿何由知肺腸孔公孟子巧言語剖瓢插竹吹笙簧  
含宮吐角千萬變坐令隱伏皆形相我生稟賦本微薄  
氤氲方寸不自藏譬如蘭根在黃土春風驅迫生繁香  
口占手寫豈得已此亦未免物所將方將寂寞自收歛  
不受世俗斗尺量既知仍作未能止紛紜竟亦類彼莊  
煎烹心脾擢胃腎自令鬢髮驚秋霜嗟子獨未知此病  
從橫自恃觜爪剛少年一見非俗物鏘然脩竹鳴孤凰  
近來直與扛九鼎令我畏見筆力强提攜童子從冠者

揣摩五帝論三皇詩書近日貴新說掃除舊學漫無光  
竊攘瞿曇剽李耳牽挽性命推陰陽狂流衮衮去不返  
長夜漫漫未遽央詞鋒俊發魯連子慚愧田巴稱老蒼  
是非得失子自了一醉早醒余所望

城南訪張恕

事似琴絲撥不開秋隨脫葉暗相催城南綠野宜幽步  
水北紅塵漫作堆赤棗青瓜報豐熟黃雞白酒勸徘徊  
此中真有醇風在一畝何年屬草萊

同李倅鈞訪趙嗣恭留飲南園晚衙先歸

城南高樓出喬木下有方塘秋水足新霜未變草木鮮  
晚日漸催梨棗熟雨荒松菊半榛莽風老蒲菰初瑟縮  
門前大路多塵土日中過客無留轍開門却掃如有待  
下馬升堂真不速勸我一振衣上黃臨風共倒樽中綠  
肴蔬草草意不盡絲竹泠泠暗相屬琳宮仙伯自閒暇  
幕府麈尾苦煩促晚衙簿領當及期後堂車轄要須漉  
令人更媿東宮師眷戀溪山棄華屋

次韻轉運使鮮于侁新堂月夜

長愛陶先生閑居棄官後  
床上卧看書門前栽柳低  
徊顧微祿畢竟誰挽袖  
索莫秋後蜂青葵曉天宿  
惟將不繫舟託此春江溜  
尺書慰窮獨秀句驚枯朽  
遙知新堂夜明月入杯酒  
千里共清光照我茅簷漏

送梁交供知莫州

猛士當令守四方中原諸將近相望  
一樽度日空閒暇千騎臨邊自激昂  
談笑定先降虜使詩書仍得靖戎行

君看宿將何承矩安用摧鋒百戰場

秋祀高禩二絕

蕩蕩巍巍堯舜前一邱惟見柏森然後來秦漢何堪數  
跋扈飛揚得幾年

乾德年中初一新顏垣破瓦委荆榛興亡舉墜干戈際  
閒暇方知國有人

過興教贈剎上人

四十年間此院留臨河看盡往還舟同來並是三年客



聽說行藏各自羞

次韻王鞏代書

去年河上送君時  
我醉看君倒接籬  
一笑便成經歲隔  
扁舟重到滿城知  
舊傳北海偏憐客  
新恠東方苦想饑  
應笑長安居不易  
空吟原上草離離

次韻南湖清飲二首

翠箔紅窓映大堤  
遠來清飲嘆參差  
盈盈積水東西隔  
脉脉幽懷彼此知  
淥酒謾傳工破悶  
主人何敢恠顰眉

自序  
卷八  
明朝看月雲開未試與詹家一問龜

坐客經年半已非喜君重到暫相依不嫌愛酒樽頻倒  
只怕題詩紙屢飛耿耿幽懷誰與愬徐徐細酌未應違  
從今更肯相過否幾誤風吹白版扉

次韻偶成

交情淡漠久彌新吏役縈纏日益紛香火社中真避世  
簿書叢裏強論文樽壘正及明蟾夜舟楫來隨早雁羣  
世俗如君今有幾真將富貴等浮雲

中秋見月寄子瞻

西風吹暑天益高明月耿耿分秋毫彭城閉門青嶂合  
卧聽百步鳴飛濤使君攜客登燕子月色看人冷如水  
筵前不設鼓與鐘處處笛聲相應起浮雲卷盡流金丸  
戲馬臺西山鬱蟠杯中渌酒一時盡衣上白露三更寒  
扁舟明日浮古汴回首逡巡陵谷變河吞鉅野入長淮  
城沒黃流只三版明年築城似山伐木為堤堤更堅  
黃樓未成河已退空有遺蹟令人看城頭見月應更好

金匱要略卷八  
河流深處今生草子孫幸免魚鼈食歌舞聊寬使君老  
南都從事老更貧羞見青天月照人飛鶴投籠不能出  
曾是彭城坐中客

次韻王鞏自詠

平生未省為人忙貧賤安閑氣味長粗免趨時頭似葆  
稍能忍事腹如囊簡書見迫身今老樽酒聞呼首一昂  
欲挽天河聊自洗塵埃滿面鬢眉黃

次韻王鞏同飲王廷老度支家戲詠

白魚紫鱗曉霜前有酒何須問聖賢上客遠來工緩頰  
雙鬟為出小垂肩新傳大曲皆精絕忽發狂言亦可憐  
莫怪貧家少還往自須先辦買花錢

送王鞏之徐州

遨遊公卿間結交非不足高秋遠行邁黃泥沒馬腹問  
君胡為爾笑指籬間菊故人彭城守久作中朝逐詩書  
自娛戲樽俎當誰屬相望鶴頸引欲往龜頭縮前期失  
不遂浪語頻遭督黃樓適已就白酒行亦熟登高暢遠

金史八  
卷八  
情戲馬有前躅篇章雜笑語行草爛盈幅歸來貯篋笥  
把玩比金玉吾兄別我久憂患欲誰告孤高多風霆彈  
射畏顛覆白頭日益新歲寒喜君獨紛紛衆草中冉冉  
凌霜竹恨我閉籠樊無由託君轂

次韻張恕九日寄子瞻

無限黃花簇短籬濁醪霜蟹正堪持坐曹漫爾誇勤瘁  
割肉何妨稍詆欺世外樽罍終自放俗間簿領莫相縻  
茱萸插遍知人少談笑須公一解頤

王摩詰詩云遙知  
兄弟登高處插遍

茱萸少  
一人

戲次前韻寄王鞏二首

白馬貂裘錦罽離離觴瀲灩手親持頭風欲待歌詞愈  
肺病甘從酒力欺不分歸心太忽草更憐人事苦紫縈  
相逢借問空長嘆便捨靈龜看朶頤

細竹寒花出短羅故山耕耒手曾持宦遊暫比鳬鷺集  
歸計長遭句僂欺歌舞夢回空歷記友朋飛去自難縻  
悠悠後會須經歲冉冉霜髭漸滿頤

贈杭僧道潛

月中依松鶴露下抱葉蟬賦形已孤潔發響仍清圓  
潛師本江海浪迹遊市廛鬚長不能翦衲壞聊復穿瘦骨  
見圖畫禪心離攀緣出言可人意一一皆自然問師藏  
何深不與世俗傳舊識髯學士復從璉耆年塵埃既脫  
落文彩自精鮮落落社中人如我亦有旃奈何一相見  
撫卷坐長歎歸去勿復言山林信多賢

張安道生日二首



椿年七十二廻新蓬夫桑弧記此晨養就丹砂無上藥  
已超諸數自由身中年道路趨真境外物功名委世人  
今夜空庭香火罷定應星斗識天真

十載從公鬢似蓬羨公英氣老猶充生時別得星辰力  
晚歲仍加鼎竈功世事不堪開眼看勞生漸恐轉頭空  
問公試覓刀圭藥歲歲稱觴此日中

李鈞壽花堂

并叙

尚書郎晉陵李公秉性直而和少從道士得養生法未

五十去嗜欲老而不衰為南都通守其西堂北牖下池  
生菖蒲開花三四芬馥可愛以書占之曰此壽考之祥  
也因名其堂曰壽花而余為作詩記之

石上菖蒲十二節仙人服之好顏色根如蟠龍不可得  
葉中開花誰復識夫子自少讀道書年未五十嗜欲除  
河流通天非轆轤下入金鼎融為珠一醉斗酒心自如  
鬼物窺覘驚睚眦菖蒲花開壽之符白髮變黑顏如朱  
它年三朞訪君廬拍手笑我言不虛

次韻子瞻題張公詩卷後

世俗甘枉尺所願求直尋不知一律訛大樂無完音見  
利心自搖慮害安得深至人不妄言淡如朱絲琴悲傷  
感舊俗不類騷人淫又非避世翁閔嘿遽陽瘖喑喑晨  
雞鳴豈問晴與陰世人積寸木坐使高樓岑晚歲卧草  
廬誰聽梁甫吟它年楚倚相儻能記悵悵

次韻廣州陳繹諫議和陳薦宋敏求二龍圖二首  
曾送飛龍白日翔未應中路許還鄉鶴歸仍有當年伴

松老知經幾度霜城下寶坊聊寄榻朝中振鷺舊成行  
相逢出處何須問五嶺清平十月涼

右和彥升寓定力

琳宮清淨思悠哉頗似山林未肯迴五日趨朝真自適  
一樽無事得頻開董狐執筆何時易馬援征蠻未遽來  
奔走安閑誰定是都門攜手一徘徊

右和彥升赴上醴泉

次韻王廷老寄子瞻

歌吹新成百尺臺青山臨水巧崔嵬佳人解作回文語  
狂客能鳴摻鼓雷擷菊傳杯醒復醉採菱盪槳去仍回  
新年聞欲相從飲春酒還須剩作醅

次韻頻起考試徐沂舉人見寄二首

齊楚諸生儼韞紳人人願得出君門銜枚勇銳驚初合  
棄甲須臾訝許奔細讀未辭燈損日久留終厭棘為藩  
定應親刈翹中楚把卷喧呼半夜言

老年從事忝南京海內交遊尚記名怯見廣場心力破

厭看細字眼花生新科未暇通三尺舊曲惟知有六莖  
空憶倚樓秋雨霽與君看遍洛陽城

前舉與頻同  
試西京舉人

送李鈞郎中

君家毗陵本江南雖為浙西終未甘風流秀發自不減  
氣質渾樸猶中含敲榜滿前但長嘯簿書堆案常清談  
湖中往往載畫旃竹下小小開茅庵歌吟髣髴類騷雅  
導引委曲師彭聃新茶潑乳睡方覺淥酒傾水醒復酣  
一朝揮手去不顧使我把袂心難堪扁舟水涸費牽挽

瘦馬雪凍憂朝參一官來往似秋鷺薄俸包裹如春蠶  
東南乞麾尚可得白首誰念家無貲

送文與可知湖州

連持梁洋印久作溪山主深知為郡樂但畏買茶苦來  
歸天祿閣坐守登聞鼓九重未明入百辟盈庭舞城南  
獨歸卧心事誰當語舊聞吳興勝試問天公取家貧橐  
裝盡歲莫輕帆舉苦溪淨多石并嶺瘦無土湖藕雪水  
絲山茶潑牛乳香粳飯玉粒鮮鯽鱠紅縷宮開水精潔

人寄畫屏住俗吏自難堪詩翁正當與從來思清絕况  
乃病新愈團團肘後丹髡髯中素高卧鎮夸俗清談  
靜煩訴應笑杜紫微湖亭但狂顧

次韻王鞏見寄

池上輕冰暖却開迎春送臘仰銜杯君家有酒能無事  
客醉連宵遣不迴詩就滴消盤上蠟信來飄盡嶺頭梅  
商邱冷坐君知否瓶罄應須有恥罍

喜雪呈鮮于子駿三首



發函寬大一封書卧閣雍容三月餘旋見雪花投夜落  
未應天意與人疎瓦乾淅淅初鳴霰畦潤漸漸想沒鉏  
高會梁園遺勝在早知詞賦似相如

春秋無麥自當書況復秋田水潦餘一雪端來救焦槁  
千箱乞與等親疎消殘瘟癘曾非藥蝕遍陳根不用鉏  
猶恐遠村霑未足試呼農圃問何如

蠟紙鋪庭幾誤書楊花糝逕未春餘積隨平野分高下  
舞信微風作密疎解使遊人似姑射仍令飛鳥變春鉏

金史卷八  
共驚天巧無能學造物無心本亦如

次韻文務光秀才遊南湖

料峭東風助臘寒汀滢白酒借衰顏滿床書卷何曾讀  
數步湖光自不閑夢想綠楊垂後浦眼看紅杏照前山  
新春漸好君歸速不見遊人暮不還

湖前小山  
曰杏山

子瞻惠雙刀

彭城一雙刀黃金錯刀鏢脊如雙引繩色如青琅玕開  
匣飛電落入手清霜寒引之置膝上凜然愁肺肝我衰

氣力微覽鏡毛髮斑誓將斬鯨鯢靜此滄海瀾又欲戮  
犀兕永息行路難有志竟不從撫刀但長歎投刀淚如  
霰北斗空闌干歸來刈蓬蒿鉏田植芳蘭惜刀不忍用  
用亦非所便棄置塵土中坐使鋒刃利床頭夜生光知  
有蛟龍蟠慚君贈我意時取一磨看

留守與賓客會開元龍興寺觀燈余有故不預中

### 夜登南城

燈引雙旌萬點紅傾城車馬在城東使君行樂人人共

勸客安眠夜夜同夢想笑談傾滿座卧聞歌筦逐春風  
三更試上南樓看無限繁星十里中

樂城集卷八

欽定四庫全書

樂城集卷九

宋 蘇轍 撰

詩七十首

春日耕者

陽氣先從土脉知  
老農晨起餉牛飢  
雨深一尺春耕利  
日出三竿曉餉遲  
婦子同來相嫵媚  
烏鳶飛下巧追隨  
紛紜政令誠何補  
要取終年風雨時

自柘城還府馬上

春色無人見，茲行偶衆先。  
柳黃新過雨，麥綠稍鋪田。  
河潤兼冰散，禽聲向日圓。  
城池高受霧，灘渚暖生煙。  
送客情初惡，還家意稍便。  
旋聞夫事起，已過佛燈然。  
薄領何時畢，塵埃空自憐。  
南湖漸可到，早治木蘭船。

次韻子瞻人日獵城西

將賢士氣振，令肅軍聲悄。  
晨登戲馬臺，一試胡騷裊。  
城空巷無人，里社轉相曉。  
吾公庶無疾，但恐園囿小。  
荆榛

一焚蕩雉兔皆驚矯翩翩白馬將手把青絲挑小事  
邊徼斬刈輕茶蓼殿前賜鞍勒珂月明皎皎自言得所  
事強暴無不了廟筭本詩書下策禁焚燎當令百鍊剛  
甘就一指繞低徊未嘗試坐被世人少秋霜一朝下凌  
厲見驚鳥為君整驕惰重立穰苴表

送鮮于子駿還朝兼簡范景仁

蜀中耆舊今無幾相逢握手堪流涕勸遊潦倒不還家  
舊俗陵遲真委地錢荒粟帛賤如土權峻茶鹽不成市

詩書鄉校變古法節行古人安近利欲歸長恐歸不得  
歸去相歡定誰是低徊有似羊觸藩春戀僅同雞擇米  
中山先生昔所愛南都攝尹私相喜窮冬夜長一事無  
燈火相從夜深睡讀書萬卷老不廢感遇百篇深有意  
俗吏惟知畏簡書窮途豈意逢君子春風歸騎忽西顧  
平日高談應且止朝騎足馬事朝謁莫就一床尋夢寐  
猶有城西范蜀公買池城東種桃李花絮飛揚酒滿壺  
談笑從容詩百紙紅塵暗天獨不知白首相看兩無愧



古人避世金馬門何必柴車返田里

次韻秦觀見寄

東家有賢人西家苦相忽幽蘭委冰霜掩靄特未發春  
風吹芳蕤爛漫安可沒東南信多士人物世不闕考槃  
溪山間自獻恥干謁誰憐幽閒女艷色比南越垂耳困  
鹽車捐金空買骨讀書謝世事閉門動論月予生亦羈  
旅處世常卒卒誰令釣竿手強復此持笏惟餘七尺軀  
空洞中無物時蒙好事過解榻聊一拂野情樂江海夢

想扁舟兀隱居便醉睡世路多顛蹶榮華一朝事毀譽  
百年歇相勸沐咸池陽阿晞汝髮

次韻道潛見寄

蕭蕭華髮映衰容慚愧高僧嘆不逢遊宦終身空處處  
塵埃何日退重重已甘憔悴雞羣鶴猶勝劬勞早歲龍  
回首不堪膏火熱試求甘露洒青松

次韻王鞏元日

庭鵲營巢初一枝餘寒未便夾羅衣春風娜娜還吹霰

歲事駸駸已發機上國遨遊誰信老中年情味祇思歸  
和詩應覺添新懶過盡長空鴈北飛

送將官歐育之徐州

輕衫駿馬走春風未識彭城氣象雄青山只在白門外  
明月盡屬黃樓中五斗濁醪消永日一雙鳴鏑戰晴空  
歸來笑殺幕府客閉戶看書滴滴窮

次韻次王鞏

君家當盛時畫戟擁朱戶中書十八年清明日方午形

容畫雲閣功業載盟府中庭三槐在遺迹百世睹子孫  
畫豪俊豈類世寒窶朝為久遭厄黽俛受侵侮往來兩  
都間奔走未安土願言解纓紱歸去事農圃嘉禾根未  
拔且忍俟甘雨拂衣走東臯此語吾不取聊復放襟懷  
清談對僧麈躬耕未可言知田顧乃父

次韻子瞻過淮見寄兼簡孫奕職方三首

出處平生共江淮恨不來官遊良誤我老病賦懷哉狗  
物終今世量書盡幾堆歸耕少憂患惟有仰春雷

蜀中  
謂田

無水利者  
為雷鳴田

其二

龜山昔同到松柏故依然紅印封鹽豉黃罌分井泉青  
天携杖處晚日落帆偏無限相思意新詩句句傳

其三

行役饒新喜臨川逢故人相看對泉石憐我在埃塵會  
合終多故分張類有神南遊得如願夢想雲溪春

次韻王鞏留別

決策歸田豈世情網羅從此脫餘生請君速治雞黍具  
待我同為沮溺耕秋社相從釀錢飲日高時作叩門聲  
茅廬但恐非君處籍籍朝中望已傾

次韻答孔武仲

白髮青衫不記年相逢一笑慙欣然誦詩疊疊鋸木屑  
展卷駸駸下水船未肯尺尋分枉直自知鑿枘有方圓  
閑官更似揚州學猶得昏昏晝日眠

送傅宏著作歸覲待觀城闕

膠西前輩鄭康成千載遺風及後生舊學詩書儒術富  
兼通法律吏能精還家綵服頻為壽得邑河壩喜有兵  
民事近來多迫促弦歌聊試武城聲

律有鄭氏章句

連雨不出寄張恕

麥熟蠶繰熱似蒸雨傾三尺未為淫洗清溝澮蚊蚋靜  
沒盡蒲蓮沼汙深遺秉滿田驚朽腐移牀避漏畏侵尋  
高閑祇有張公子卧聽蕭蕭打葉音

和子瞻自徐移湖將過宋都途中見寄五首

東武厭塵土彭門富溪山從兄百日留退食同躋攀輕  
帆過百步船底驚雷翻肩輿上南麓眼界涵川原愛此  
忽忘歸願兄且三年我去已怱怱兄來亦奔奔永懷置  
酒地遶郭多雲煙

我昔去彭城明日河流至不見五斗泥但見三竿水驚  
風鬱颯怒跳沫高睥睨激灩三月餘浮沉一朝事分將  
食魚鼈何暇顧鄰里悲傷念遺黎指顧出完壘繚堞對  
連山黃樓麗清泗功成始逾歲脫去如一屣空使西楚



祇欲語先垂涕

千金築黃樓落成費百金誰言史君侈聊慰楚人心高  
秋吐明月白壁懸青岑晃蕩河漢高恍恨窓戶深邀我  
三日飲不去如籠禽史君今吳越雖往將誰尋

欲買爾家田歸種三頃稻因營山前宅遂作泗濱老  
窮少成事飽暖未應早願輸橐中裝田家近無報平生  
百不遂今夕一笑倒它年數畝宮懸知迫枯槁

梁園久蕪沒何以奉君遊故城已耕稼臺觀皆荒邱池

塘塵漠漠雁驚空  
遲留俗衰賓客盡  
不見枚與鄒輕舟  
舍我南吳越多清流

次韻劉貢父登黃樓懷子瞻二首

青山開四面白水遶三禺  
野濶時聞籟人閑舊據梧  
畫船留上客遺迹問田夫  
事少日常飲才踈世未須  
決河初荐至勝事偶相俱  
燕子早無取滕王遠可撫  
飛濤隱睥睨落日麗浮圖  
同舍新持節專城敢遽呼  
未迎行部駕已放下淮  
壚試問登消暑如何楚與吳

吳興有消暑樓

再和

藹藹才名世駸駸日轉禺一時同接浙平昔共棲梧攬  
轡真壯士擁旄良丈夫塵埃脫縑綬冰石慰霜須勝地  
來相失清尊未暇俱射餘空見帖鑄罷祇觀撫歸計何  
當決徂年貴早圖檻中終為食講上恥聞呼顧我千羊  
羣平生一釣艦微官不須滿也復試遊吳

陪杜充張恕鴻慶宮避暑

至後雨如瀉晴來熱更多簿書霑汗垢巖石思藤蘿賴

有祠宮靜時容俗客過  
老郎無不可公子亦能和道勝  
還相接禪迷屢見呵清涼  
生絕念煩暑散沉痾古木便  
張幄鳴禽巧當歌桃香呈絳  
頰瓜熟裹青羅飯細經脣  
滑茶新到腹適劇談時自笑  
飽食更無它適意未應厭  
後遊真若何官居鄰曲沼  
田畎助清波晚照明疎柳微  
風響衆荷輕舟尚可載小雨  
試漁簑

宋城宰韓秉文惠日鑄茶

君家日鑄山前住  
冬後茶芽麥粒麤  
磨轉春雷飛白雪

甌頃錫水散凝酥谿山去眼塵生面簿領埋頭汗匝膚  
一吸更能分幕府定應知我俗人無

次前韻

龍鸞僅比閩團釀鹽酪應嫌北俗麤採愧吳僧身似腊  
點須越女手如酥舌根遺味輕浮齒腋下清風稍襲膚  
七盃未容留客試瓶中數問有餘無

答孔武仲

飛霜委中林不廢長松綠驚風振川野未省勁草伏我

貧客去盡君來常不速愧君贈桃李永願報瓊玉我性  
本山林苦學筆空禿驂騑塞康莊病足顧難逐錦文街  
華藻弊褐非所續家有五車書恨不十年讀濟南昔相  
遇我齒三十六談諧傾蓋間還往白首熟從君飲濁酒  
過我飯脫粟西湖多蒹葭白晝下鴻鵠城西野人居柴  
門擁脩竹後車載鴟夷下馬瀉醺醪醉眠卧荒草空洞  
笑便腹踈狂一如此豈望世收錄別來今幾何歸期已  
屢卜西南有薄田茅舍清溪曲耕耘三男子伏臘當自

足君能遠相尋布衣巾一幅

送吳思道道入歸吳興二絕

一去吳興十五年東歸父老幾人存  
惠山惟有錢夫子一寸閒田曉日暎

遨遊海上冀逢人宴坐山中長閉門  
去住只今誰定是相逢一笑各無言

次韻答陳之方秘丞

南山李將軍足馬獨行獵田中射虎豹  
後騎不容躡犬

夫貴自遂老大饒驚懾飄搖天地間自視如一葉故人  
多東南願作扁舟涉忽蒙長篇贈幸此傾蓋接時世尚  
新奇詩書存舊業南風吹清汴西去無停楫恨不留君  
談一使衆坐厭新詩苦清壯欲和再三怯東都多名卿  
投刺日盈笈一言苟合意富貴出旬浹行看文石階高  
談曳長裾辱贈但茫然知君念疲繭

登南城有感示文務光王通秀才

幽憂隨秋至秋去憂未已城南試登望百草枯且死落



葉投人懷驚鴻四面起所思不可見欲往將安至斯人  
定誰識顧有二三子清風皎水玉滄浪自前洗竊脂未  
嘗穀南箕倘微似網羅一張設投足遂無寄田深狡兔  
肥霜降鱸魚美造形悼前失式微慚往士憧憧畝邱道  
歲晚嗟未止西山有茅屋鉏耰本吾事

張公生日

是歲己未初致仕

少年談王霸英氣干斗牛中年事軒冕徇世仍多憂晚  
歲探至道眷眷懷林邱今年乞身歸始與夙昔酬高秋

過生日真氣茲一周觀心比孤月視世皆浮漚表裏一  
融明萬物不能留顧謂懂懂人斯樂頗曾不嗟我本俗  
士從公十年遊謬聞出世語俛作籠中囚俯仰迫憂患  
欲去安自由問公昔年樂孰與今日優山中許道士非  
復長史儔腹中生梨棗結實從今秋

次韻答張耒

客舟逝將西日夜西北風維舟罷行役坐令鬢如蓬偶  
從二三子步上百尺臺雲煙過原隰敞悅令人哀山中

難久居浮沉在城郭欲學揚子雲避世天祿閣浮木寄  
流水行止非所期何須自為計水當為我移外物不可  
必惟此方寸心中  
有樂事手付瑟與琴夜吟感秋詩  
惜此芳物零幽人亦多思起坐再三聽白駒在空林瓶  
罄有恥疊盡我一杯酒愁思如雲頽

次王適韻送張耒赴壽安尉二首

綠髮驚秋半欲黃官居無處覓林塘浮生已是塵勞侶  
病眼猶便錦繡章羞見故人梁苑廢夢尋歸路蜀山長

憐君顧我情依舊竹性蕭疎未受霜

魏紅深淺配姚黃洛水家家自作塘遊客賈生多感槩  
閑官白傅足篇章山分少室雲煙老宮廢連昌草木長  
路出蒿高應少駐孱顏新過一番霜

次韻張耒見寄

相逢十年驚我老雙鬢蕭蕭似秋草壺將未洗兩脚泥  
南轅已向淮陽道我家初無負郭田茅廬半破蜀江邊  
生計長隨五斗米飄搖不定風中煙茹蔬飯糗不願餘

茫茫海內無安居此身長似伏轅馬何日還為縱壑魚  
憐君與我同一手微官骭骭羞牛後請看挿版趨府門  
何似曲肱眠甕牖中流千金買一壺積中美玉不須沽  
洛陽權酒味如水百錢一角空滿孟縣前女几翠欲滴  
吏稀人少無晨集到官惟有懶相宜卧看南山春雨濕  
次韻王適兄弟送文務光還陳

三君皆親非復客執手河梁我心惻倚門耿耿夜不眠  
挽袖忽忽有難色君歸使我勞寃夢落葉鳴堦自相擁

金匱要略卷九  
君家西歸在新歲此行未遠心先恐故山萬里如何許  
我欲因君亦歸去清江髣髴釣魚船脩竹平生讀書處  
青衫白髮我當歸咀嚙式微慙古詩少年勿作老人調  
被服榮名慰所思

次韻張芻諫議燕集

淮陽卧閣生清風梁園坐嘯囹圄空不知何術解醜髯  
但覺羈客忘樊籠樽罍灑落談笑地塵埃脫去文書藁  
清心漸欲無一事少年空記揮千鍾近傳移鎮股肱郡

復恐入覲明光宮人生聚散不可料一杯相屬時方冬  
浮陽時欲作飛霰想見觀闕瓊花中孝王會集猶可繼  
莫嫌作賦無枚翁

聖民昔知陳州  
余嘗從之遊矣

### 臘雪五首

長恐冬無雪今朝忽暗空細聲聞簌簌遠勢望濛濛  
潤猶兼雨輕斜半雜風豐登解多事歡喜助三農

### 其二

驕陽不能久密雪自相催急霰初鳴瓦飛花旋集臺着

人消瘴疫覆麥長根芟欲試樽中物門前問客來

其三

久有歸耕意西山百畝田雪來殊不惡酒熟自相便一  
被簪裳裏長遭羅網牽飛霏迫殘臘愁思渡今年

其四

憂愁不可緩風雪故相撩試問五斗米能勝一束薪耕  
耘終亦飽哺啜定誰邀寒暑不須避傾危且自遙

其五



雪霜何與我憂思自傷神忠信亦何罪才名空誤身歸  
來聊且止老去莫逢嗔樽酒它年事相看醉此晨

次韻王適雪晴復雪二首

驕陽得一雪踰尺應更好晨興視窓隙驚見晴霞杲九  
衢無停迹狼籍須一掃空餘浩然氣凜凜接清昊餘寒  
薄虛室一靜解羣燥晨炊晚未供客饋慙草草試脫身  
上衣行問酒家保孤吟擊槁木大笑稱有道人生但如  
此富貴何用禱所思獨未見耿耿屬懷抱

其二

同雲自成幄飛雪來無根一為清風卷坐見東方曦重  
陰偶復合飛霰滿南軒油然青春意已見出土萱老病  
一不堪惟恃濁酒溫開戶理松菊掃蕩無遺痕卷舒朝  
夕間誰識造化元乾坤本何施中有神怪奔萬物極毫  
末顛倒何足掀老農但知種荷鋤理南園

送呂由庚推官得替還洛中二首

君家相國舊元勳凜凜中丞繼後塵談笑二年同幕府

風流一倍愈它人南都去後少佳客西洛歸來多老臣  
我亦官遊無久意它年松竹許相鄰

洛水留人一向乾雪泥溢路十分寒送行我豈無樽酒  
多難君知久鮮歡回首祇應憐老病凌風爭看試輕翰  
到家定見嵩陽老問我衰遲未解官

司馬君實提舉  
嵩山崇福宮

### 四十一歲歲莫日歌

小兒不知老人意賀我明年四十二人生三十百事衰  
四十已過良可知少年讀書不曉事坐談王霸了不疑

脂車秣馬試長道一日百里先自期不知中途有陷穽  
山高日莫多棘茨長裾大袖足鉤挽却行欲返筋力疲  
蝮蛇當前猛虎後脫身且免充朝饑歸來掩卷淚如雨  
平生讀書空自誤山中故人一長笑布衣脫粟何所苦  
古人知非不嫌晚朝來聞道行當返四十一歲不可言  
四十二歲聊自還

次韻子瞻繫御史獄賦獄中榆槐竹柏

秋風一何厲吹盡山中綠可憐凌雲條化為樵夫束凜

然造物意豈復私一木  
置身有得地不問直與曲  
青松未必貴枯榆還自足  
紛然落葉下蕭條愧華屋

右榆

盛衰日相尋循環何曾歇  
攀條擘柔荑回首驚脫葉  
綠槐陰最厚零落今存莢  
千林一枯槁平地三尺雪  
草木何足道盈虛視新月  
微陽起泉下生意未應絕

右槐

故園今何有猶有百竿竹  
春雷起新萌不放牛羊觸  
雖

無朱欄擁不見紅塵辱清風時一過交戛響鳴玉淵明  
避紛亂歸嗅東籬菊嗟我獨何為棄此北窓綠

右竹

曲如山下藤脆若溪上葦春風一張王秋霜死則已胡  
為南澗中辛勤種栢子上枝撓雲霓下根絞石齒伐之  
為梁棟歲月良晚矣白首閱時人君看柱下史

右栢

次韻子瞻贈張慙子

得罪南來正坐言道人開口意深全天遊本自有真樂  
昇穀誰知定不賢構火噉噉初吐日飛流袞袞旋成川  
此心此去如灰冷肯更逢人問復然

過龜山

再涉長淮水驚呼十四年龜山老僧在相見一茫然僧  
老不自知我老私自憐驅馳定何獲少壯空已捐掉頭  
不見答笑指岸下船人生何足云陵谷自變遷當年此  
山下莫測千仞淵淵中械神物自昔堯禹傳帆檣避石

壁風雨隨香煙爾來放冬汴冷沙漲成田褰裳六月渡  
中流一帶牽俯首見砂礫羣魚捕魴鱸父老但驚歎此  
理未易原何況七尺軀不為物所旋衆形要同盡獨有  
無生全百年爭奪中擾擾誰相賢

放閘二首

畫舫連檣住清流汎閘平忽看銀漢落仍聽夏雷驚正  
施遲迴久開頭取次輕滯留初一快奔駛忽如傾不識  
風濤怒聊同枕席行行逢賤魚稻飽食慰平生



其二

閘空非有礙水靜為誰興開閉偶然異喧豗自不勝淵  
停初鏡淨勢轉忽雲奔脫隘尚容與投深益沸騰玉山  
紛破碎陳馬急侵陵挾版千鈞重浮舟萬斛升岸撻將  
落木魚困或投罾洶湧曾誰止蕭條遠欲凝力爭知必  
折少待亦何能一發臨流笑微言早服膺

次韻王適細魚

羣魚一何微僅比毛髮大嬉遊極草草鬢鬣自箇箇造

物賦羣形偶然如一唾吞舟雖云巨其樂不相過若言  
無性靈還知避船施

高郵別秦觀三首

濛濛春雨濕邗溝蓬底安眠晝擁裘知有故人家在此  
速將詩卷洗閑愁

筆端大字鴉棲壁袖裏新詩句琢冰送我扁舟六十里  
不嫌罪垢汙交朋

高安此去風濤惡猶有廬山得縱遊便欲攜君解船去

念君無罪去何求

召伯埭上斗野亭

細雨添春色微風淨牕流徂年半今世生計一扁舟  
飲食隨魚蟹封疆入斗牛江波方在眼轉覺此生浮

次韻鮮于子駿遊九曲池

天高山近海春盡草生池禾黍多新恨川原自昔時  
花存故苑麗樵出舊城隳莫望瓜州渡曾經駐佛狸

揚州五詠

九曲池

嵇老清彈怨廣陵隋家水調繼哀音可憐九曲遺聲盡  
惟有一池春水深鳳闕蕭條荒草外龍舟想像綠楊陰  
都人似有興亡恨每到殘春一度尋

平山堂

歐陽永叔所建

堂上平看江上山晴光千里對憑欄海門僅可一二數  
雲夢猶吞八九寬簷外小棠陰蔽芾壁間遺墨涕洟瀾  
人亡坐使風流盡遺構仍須子細看

蜀井

在大明寺

信脚東遊十二年甘泉香稻憶歸田  
行逢蜀井恍如夢試煮山茶意自便  
短綆不收容盥濯紅泥仍許置清鮮  
早知鄉味勝為客遊宦何須更着鞭

摘星亭

迷樓舊址

闕角孤高特地迷迷藏渾忘日東西  
江流入海情無限莫雨連山醉似泥  
夢裏興亡應未覺後來愁思獨難齊  
只堪留作遊觀地看遍峯巒處處低

僧伽塔

山頭孤塔閱真人云是僧伽第二身處處金錢追晚供  
家家蠶麥保新春欲求世外無心地一掃胸中累劫塵  
方丈近聞延老宿清朝留客語逡巡

題杜介供奉熙熙堂

門前籍籍草生徑堂上熙熙氣吐春遮眼圖書聊度日  
放情絲竹最關身年來馮脫烏皮几客去時乾漉酒巾  
卜築城中移榜就休心便作廣陵人

遊金山寄揚州鮮于子駿從事邵光

揚州望金山隱隱大如幞  
謁來長江上孤高二千尺  
僧居厭山小面面貼蒼石  
虛樓三百間正壓江潮白  
清風歛霧霧曉日曜金碧  
直侵魚龍居似得鬼神役  
我行有程度欲去空自惜  
風吹渡江水山僧午方食  
波瀾洗我心筍蕨飽我腹  
平生足遊衍壯觀此云極  
鐵甕本誰安海門復誰植  
東南遞隱見遙與此山匹  
茲遊幾不遂深愧幕府客  
歸時日已莫正值江月黑  
顧視天水并坐恐

星斗濕使君何時罷登覽不可失

初至金陵

山川過雨曉光浮初看江南第一州  
路繞匡廬更南去懸知是處可忘憂



樂城集卷九



欽定四庫全書

集部  
樂城集卷十一

詳校官庶吉士臣胡鈺

檢討臣何思鈞覆勘

總校官進士臣朱鈐

校對官助教臣胡予襄

謄錄監生臣呂沛惇

欽定四庫全書

樂城集卷十

詩九十六首

和孔武仲金陵九詠

白鷺亭

白鷺洲前水奔騰亂馬牛亭高疑欲動船去似無憂洶  
湧山方壞澄清練不收中秋誰在此明月滿城頭

宋 蘇轍 撰

覽輝亭

城裏最高處坡陀見一城山多來有緒江遠靜無聲歌  
吹風前度樓臺雨後明風光同楚蜀聊此慰平生

鳳凰臺

鳳鳥久不至斯臺空復高何年種梧竹特地翦蓬蒿白  
水來無際青山轉幾遭南遊且未返江海共滔滔

天慶觀

興廢不可必冶城今靜祠松聲聞道路竹色淨軒墀江

近風雲改亭深草木滋孤墳弔遺直狂闇閔元規

卞壺墓在

側觀

### 高齋

金陵佳處自無窮使宅幽深即故宮樓殿六朝遺燼後  
江山百里舊城中雨餘尚有金鈿落月出長窺粉堞空  
看盡一城懷古地茲遊恨不與君同

### 此君亭在華藏寺

綠竹不可數孤亭一倍幽色分巖石潤稍出澗松脩雪

金匱山房詩集 卷十  
節寒方見春萌旱不抽故山多此物長恨未歸休

見江亭在蔣山

江水信浩渺連山巧蔽虧端能上嶮絕故自識津涯滅  
沒檣竿度飄搖鷺羽遲何人倚舟望亦愛此峯危

定林院

定林兩山間崖木生欲合茅屋倚巖隈重重陰清樾晨  
齋取旁寺生事信幽絕吾人定何爲常欲依暖熱

八功德水

君言山上泉定有何功德熱盡自清涼苦除即甘滑頗  
遭遊人病時取破匏挹煩惱雖云消凜然終在臆

### 遊鍾山

江南四月如三伏北望鍾山萬松碧杖藜試上寶公龕  
衆壑秋聲起相襲青峯回抱石城小白練前橫大江直  
石梯南下俯城闔松徑東蟠轉山谷喬林無風聲如雨  
時見遊僧石上息行窮碧澗一庵巖坐弄清泉八功德  
歸尋晚飯衆山底困卧定林依石壁朝遊不知澗谷遠

莫歸但覺穿雙屐老僧一身泉上住十年掃盡人間迹  
客到惟燒栢子香晨飢坐待山前粥丈夫濟時誠妄語  
白首居山本良策茹蔬飯糗何足道純灰洗心聊自滌  
失身處世足愆尤愧爾山僧少憂責

郭祥正國博醉吟庵

姑熟溪頭醉吟客歸作茅庵劣容席團團鵲卵中自明  
窓前月出夜更清醉吟自作溪上語不學擁鼻維陽生  
詩成付與坐中讀知有清溪可終日作詩飲酒聊復同

誰來共枕溪中石圓天方地千萬里中與此間大相似  
翫然一息不自停水火雷風相滅起直須只作此庵看  
歌罷曲肱還醉眠不用騎鯨學李白東入滄海觀桑田

湖陰曲

老虎穴中卧獵夫不敢窺驕驕服箱驂盜驪巡城三匝  
漫不知帳中畫夢日繞壁驚起知是黃須兒馬鞭七寶  
留道左猛士徘徊不能過遺矢如冰去已遙明日神兵  
下赤霄荒城至今人不住狐兔驚走風蕭蕭



舟次大雲倉回寄孔武仲

一風失前期十日不相見君帆一何駛去若乘風箭我  
舟一何遲出沒蔽葭蘆甕中有白糟床上有黃卷妻孥  
不足共思子但長嘆池陽重相遇撫手成一粲先行復  
草草回首空春春人生類如此遲速亦何筭一見誠偶  
然四海良獨遠相期廬山陰把臂上雲巘

池州蕭丞相樓二首

遶郭青峯睥睨屯入城流水穀文翻樓成始覺江山勝

人去方知德業尊坐久浮雲霾後嶺酒醒飛雪變前村  
我來邂逅公歸國猶喜登臨共一樽

池守滕元發  
時將解去

丞相風流直至今朱欄仍對舊山林奔馳軒冕終何有  
跌宕圖書竟最深松繞城頭風瑟縮江浮山外氣陰森  
三年不起南遷想應有前人識此心

### 過九華山

南遷私自喜看盡江南山孤舟少僮僕此志還復難局  
促守破窻聯翩過重巒忽驚九華峯高拱立我前蕭然

九仙人縹緲陵雲烟碧霞爲裳衣首冠青琅玕揮手謝  
世人可望不可攀我行竟草草安能拍其肩但聞有高  
士卧聽松風眠松根得茯苓狀若干歲龜煮食一朝盡  
終身棄腥羶腹背生綠毛輕舉若翔鸞相逢欲借問已  
在長松端何年脫罪罟出處良自便芒鞋拄藤杖逢山  
即盤桓斯人未可求巖室儻復存

佛池口遇風雨

長江五月多風暴欲行先看風日好此風忽作東南來

陰雲如湧撥不開驚雷往還轉車轂狂波低昂起坑谷  
中流一葉那復持卷舒已付天公知解帆轉柁不容語  
佛池口中幸可住須臾急雨變昏霾柁師喜賀風已回  
澄溪不動縈白練老木蒼崖蔚蔥蒨繫舟茅屋得青蔬  
試問釣船還有魚開樽引滿向妻子明日復行未須怖  
陰陽開闔良等閑扁舟誰令乘嶮艱

舟次磁湖以風浪留二日不得進子瞻以詩見寄  
作二篇答之前篇自賦後篇次韻

慙愧江淮南北風扁舟千里得相從黃州不到六十里  
白浪俄生百萬重自笑一生渾類此可憐萬事不由儂  
夜深魂夢先飛去風雨對床聞曉鐘

西歸猶未有菟裘擬就南遷買一邱舟楫自能通蜀道  
林泉真欲老黃州魚多釣戶應容貰酒熟隣翁便可留  
從此莫言身外事功名畢竟不如休

黃州陪子瞻遊武昌西山

千里到齊安三夜語不足勸我勿重陳起遊西山麓西

山隔江水輕舟亂鴛鴦連峰多回溪盛夏富草木杖策  
看萬松流汗升九曲蒼茫大江湧浩蕩衆山感上方寄  
雲端中寺倚巖腹清泉類牛乳煩熱須一掬縣令知客  
來行庖映脩竹黃鷺時新煮白酒亦近熟山行得一飽  
看盡千山綠幽懷苦不遂滯念每煩促歸舟浪花暝落  
日金盤浴妻孥寄九江此會難再卜君看孫討虜百戰  
不搖目猶憐江上臺高會飲千斛巾冠墮臺下坐使張  
公哭異時君再來携被山中宿

將還江州子瞻相送至劉郎家狀王生家飲別

相從恨不多送我三十里車湖風雨交

晉車武子故居其水曰車湖

松竹相披靡繫舟枯木根會面兩王子嘉眉雖異郡鷄  
犬固猶爾相逢勿空過一醉不須起風濤未可涉隔竹  
見奔駖渡江買羔豚收網得魴鯉朝畦甘瓠熟冬盎香  
醪美烏菱不論價白藕如泥耳誰言百口活仰給一湖  
水奪官正無賴生事應且爾卜居請連屋扣戶容屣履  
人生定何為食足真已矣憊尤未見雪世俗多相鄙買

田信良計蔬食期沒齒手持一竿竹分手長湖尾

赤壁懷古

新破荊州得水軍鼓行夏口氣如雲千艘已共長江嶮  
百勝安知赤壁焚嘴距方強要一關君臣已定勢三分  
古來伐國須觀釁意突成功所未聞

自黃州還江州

身浮一葉返湓城凌犯風濤日夜行把酒獨斟從睡重  
還家漸近覺身輕岸回樊口依稀見日出廬山紫翠橫



家在庾公樓下泊舟人遙指岸如顙

江州城下土赤如顙

### 江州五詠

#### 射蛟浦

萬騎巡遊遍千帆破浪輕射蛟江水赤教戰越人驚山

轉樓船影岸摧連弩聲祈招無為賦酣寢盡平生

浦上積水

相傳漢武教樓船於此

#### 浪井

江波浮陣雲岸壁立青鐵胡為井中泉湧浪時驚發水

性本無定得止自澄澈誰為女媧手補此天地裂

庾樓

元規情不薄上客有殷生夜半酒將罷公來坐不驚舞  
翻江月迥談落塵毛輕塵世風流盡高樓空此名

東湖

讀書廬山中作郡廬山下平湖浸山脚雲峯對虛榭紅  
蕖粉欲落白鳥時來下猶思隱居勝亂石驚湍瀉

李勃  
隱居

廬山泉石奇勝今樓賢寺其故居也  
及為九江太守始營東湖風物可愛

琵琶亭

湓江暮雨晴孤舟  
暝將發夜聞胡琴語  
展轉不成別草堂  
寄東林雅意存北闕  
潛然涕泗下安用無生說

不到東西二林

山北東西寺高人  
永遠師來遊亦前定  
回首獨移時社散  
白蓮盡山空玄鶴悲  
何年陶靖節溪上送行遲

遊廬山山陽七詠

開先瀑布

山上流泉自作溪行逢石缺瀉虹霓定知雲外波瀾濶  
飛到峯前本末齊入海明河驚照曜倚天長劒失提携  
誰來卧枕莓苔石一洗塵心萬斛泥

漱玉亭

山回不見落銀潢餘溜喧飀響石塘目亂珠璣濺空谷  
足寒雷電繞飛梁入瓶銅鼎春茶白接竹齋厨午飯香  
從此出山都不棄滿田杭稻插新秧

簡寂觀

山行但覺鳥聲殊漸近神仙簡寂居門外長溪淨客足  
山腰苦筍助盤蔬喬松定有藏丹處大石仍存拜斗餘  
弟子蒼髯年八十養生世世授遺書

歸宗寺

來聽歸宗早晚鐘疲勞懶上紫霄峯墨池漫疊溪中石  
白塔微分嶺上松佛宇爭推一山甲僧厨坐待十方供  
欲遊山北東西寺巖谷相連更幾重

此寺王逸少所置  
云有墨池在焉

萬杉寺

萬木青杉一手栽滿堂白佛九天來

仁宗初年有僧手植萬杉特為建此

寺仍以禁中佛賜之

涓涓石溜供厨足轟轟山屏遶寺開半榻松

陰秋簾冷一杯香飯午鐘催安眠飽食平生事不待山僧喚始迴

### 三峽石橋

三峽波濤飽沂沿過橋雷電記當年江聲髣髴瞿唐口  
石角參差灩澦前應有夜猿啼古木已將秋葉作歸船  
老僧未省遊巴蜀松下相逢問信然

白鶴觀

五老相携欲上天玄猿白鶴盡疑仙  
浮雲有意藏山頂流水無聲入稻田  
古木微風時起籟諸峯落日盡生烟  
歸鞍草草還城市慙愧幽人正醉眠

南康阻風遊東寺

欲涉彭蠡湖南風未相許扁舟厭搖蕩  
古寺慰行旅重湖面南軒驚浪卷前浦  
霏微雪陣散顛倒玉山舞一風輒九日  
未悉土囊怒百里斷行舟仰看飛鴻度  
故人念

征役一飯語平素竹色淨飛濤松聲亂秋雨我生足憂  
患十載不安處南北已兼忘遲速何須數

寄題陳憲郎中竹軒

家有脩篁綠滿軒趨庭詩禮舊忘言凌霜自得良朋友  
過雨新添好子孫試剪輕筠扶野步旋收涼葉煮清樽  
風流共道勝桑梓鄰里何妨種百根

次韻孔武仲到官後見寄

舉楫同千里繫舟時一言共嗟蓬作屋願就席為門行



役身先困征商思益昏僅同登壘斷何止服車轅

次韻筠守毛維瞻司封觀脩城三首

北垣荆棘舊成堆留待公來次第開車馬已通城下路  
榛蕪盡付冶家灰異時碧瓦千門合應記紅旌百度來  
自笑裨謀便曠野肩輿飛蓋許追陪

撥棄案頭文字堆曉晴山色四門開究懷民事老雖壯  
俛首山城心已灰荆棘燒殘桑柘出狐狸去盡犬雞來  
規模先遣通蹊隧後乘應容衆客陪

山脚侵城起阜堆，遠城微道斬新開。  
閨闔半壞驚潮信，隍壑初深見劫灰。  
蟻聚千夫曾幾日，鱗差萬瓦看將來。  
史君才力輕山郡，朝論行聞急召陪。

次子瞻夜字韻作中秋對月二篇，一以贈王郎，二以寄子瞻。

平明坐曹黃昏歸，終歲得閑惟有夜。  
已邀明月出牆東，更遣清風掃庭下。  
城上青鬟四山合，門前白練長江瀉。  
誰家高會吹參差，鄰婦悲歌舂罷亞。  
二年憂患今已過，

一夜清光天所借西京詩句出蘇李南國風流數王謝  
已隨孤掉去中原肯顧新科求上舍讀書本自比嵇鋹  
學劍要須問曹蔗清觴灑灑君莫違佳句駸駸予已怕  
狂夫猖狂終累人不返行遭親黨罵

十年秋月照相思相從祇有彭門夜露侵船鼓思城關  
寒迫魚龍舞潭下厭厭夜飲歡自足落落襟懷向人瀉  
秋深河來巨野溢水乾樓起滕王亞北海孔公雖好客  
河內寇尹那得借是非朝野忽紛紛得喪芳菲一開謝

明月多情還入門  
流水何知空繞舍  
晨餐江市富鱸魴  
夜宿山村足梨蔗  
坐隅鵬鳥不須問  
墻外蝮蛇猶足怕  
婁公見唾行自乾  
馮老尚多誰定罵

次韻王適食茅栗

相從萬里試南餐  
對案長思苜蓿盤  
山栗滿籃兼白黑  
村醪入口半甜酸  
久聞牛尾何曾試  
竊比鷄頭意未安  
故國霜蓬如盃大  
夜來彈劍似馮驩

過毛國鎮夜飲

風格照人華省郎江山遠郭古仙鄉漫傳鉛鼎八百歲  
未比金釵十二行不動歌聲人已醉旋聞詩句夜初長  
簿書撥盡知餘力道院清虛頃未嘗

次韻毛國鎮趙景仁唱和三首一贈毛一贈趙一  
自詠

治劇從容緩策銜鈴軒無事日清談隼旗畫戟明千里  
紙帳繩床自一庵金奏屢陳容客和玉山不動看賓酣  
我來邂逅逢寬政忘却漂流身在南

一紙新詩過雁銜醒然何異接君談奉親魚蟹兼臨海  
退食琴書定有庵一別經年真似夢多憂不飲亦如酣  
共君友契非今日蔽芾棠陰自劍南

遠謫江湖舳尾銜到來辛苦向誰談畏人野鶴長依嶺  
厭事山僧祇住庵黃雀頻來成一飽白醪新熟喜初酣  
踈頑近日尤堪笑坐任飄風去自南

再和三首

穴鼠何須窺數銜麤官不用苦高談夜傾綠蟻風吹竹

晝擁黃紬雪覆庵每作微詞還自笑偶漸餘潤亦成酣  
公詩精絕非倫擬自古騷人盡在南

燕窠泥土一春銜慙愧封侯止立談舊隱尚聞存竹徑  
歸休但要葺茅庵釣船夢想沿溪泛酒盞遙思向日酣  
強欲遲留依幕府吳公行恐召河南

天教窮困欲誰銜生事那須一一談自笑豐年塵滿甌  
不堪雨後菌生庵士師憔悴經三黜陶令幽憂付一酣  
他日歸耕苦相憶尺書頻寄北山南

次韻王適州學新修水閣

黃鍾巨挺兩春容何幸幽居近學宮  
坐對江山增浩氣力追齊魯欲同風  
頌詩聞道求何武家法行看試左雄  
欲伴少年遊矍相奔軍慚愧起詞窮

次韻毛君九日

山脚侵城盡是臺登高處處喜崔嵬  
手拈霜菊香無奈面拂江風酒自開  
幕府尊壘雲裏集民家歌吹靜中來  
定知勝却陶彭澤悵望籬邊白日頽



次韻毛君感事書懷

種棠經歲便成科，秋雨調勻氣漸和。  
才力有餘嫌事少，風情無限覺詩多。  
長松更老仍添節，古井雖深自不波。  
宴坐山房人豈識，一尊聊且慰蹉跎。

次韻毛君見督和詩

新詩落紙一城傳，顧我踈蕪豈足編。  
他日杜陵詩集裏，韋迢畧見兩三篇。

次韻毛君山房遣興

欲就陽崖暖新開石磴斜誰言太守宅自是野人家燕  
坐收心鑑冥觀閱界沙退公長寂寞外物自喧譁缺逕  
移松補斜陽種竹遮白雲生後礎孤鶩伴殘霞破悶時  
尋鶴呼眠亦任鴉喜聞槽出甕屢問菊開花古井元依  
斗丹砂舊養茅蚍蜉頻上案猿猱巧分檀客到扁舟遠  
年侵兩鬢華心搖桂風旆眼暗隔輕紗強撥橫肱睡來  
從挿版衙隱居慙棄擲勝地每咨嗟頑鈍終何取彫磨  
豈復加焦先夙所尚園舍恰如蝸

金匱要略卷之十  
和胡教授蒙太守策試諸生

著籍初同闕里多采芹先致魯風和欲將大策觀胸膽  
盡名中堂列雁鵞終日正言何忌諱幾人餘力尚委蛇  
豈惟太守知為政仍是先生善設科

和毛君州宅八詠

鳳凰山

山川蟠踞偶成形威鳳低徊久未行更種梧桐真可致  
高飛性似伯夷清

披仙亭

仙翁舊住蜀江邊  
千歲歸來一鶴翩  
城郭已非人事改  
淒涼遺迹但披仙

方沼亭

池上茅簷覆水低  
早來秋雨尚虹霓  
敗荷折葦飛鴻下  
正憶漁舟泊故溪

翠樾亭

一夜飛霜點綠苔  
曉亭黃葉掃成堆  
簷間翠樾彫疎盡

却放牆東好月來

李八百洞

洞府山川百里賒  
洞門藤蔓鎖烟霞  
神仙不與人間異  
弟妹還應共一家

煉丹井

鑿井燒丹八百年  
塵緣消盡果初圓  
石牀薜蘿人安在  
綠水團團一片天

磨劍池

神仙鑄劍本無硯岸古班班尚鐵鉉天上少年仍狡獪  
不須還爾對方平

山房

岸幘携筇夜夜來蒲團紙帳竹香臺直須覓取僧為伴  
更為開菴刷草萊

次韻毛君病中菊未開

病肺秋深霧雨傷舊繒故絮喜清涼菊花金粟未曾吐  
桂酒驚兒空自黃草木亦知年有閨風霜漸近月方陽

十月為  
陽月

得詩聞道維摩病欲到毘耶言已忘

雨中宿酒務

微官終日守糟缸風雨淒涼夜渡江  
早歲謬知儒術貴  
安眠近喜壯心降夜深唧唧酤鳴甕  
睡起蕭蕭葉打窻  
阮籍作官都為酒不須分外恨南邦

次韻毛君經旬不用鞭朴

共喜秋深酒味醇官曹休假不須旬  
政寬境內棠陰合  
訟去庭中草色新不惜牛刀時一割  
已因鼯鼠發千鈞

歲終誰為君書考豈止江西第一人

次韻李撫辰屯田修州門

六月江濤壁壘頽蒼崖翠壁就新臺  
咄嗟雙闕還依舊咫尺羣山信有材  
畫戟風生兩衙退飛橋日出萬人來  
不因毀圯催興築誰見雍容治劇才

飲酒過量肺疾復作

朝蒙麴塵居夜傍糟床卧鼻香黍麥熟  
眼亂瓶罍過囊中衣已空口角涎虛墮  
啜嘗未云足盜嚼恐深坐使君



信寬仁高會慰寒餓西樓適新成明月猶半破擁簷青  
山橫拂檻流水播雕盤貯霜實銀盞薦秋糯共言文字  
歡豈待紅裙佐惟知醞醕滑不悟頗羅大夜歸肺增漲  
晨起脾失磨情懷忽牢落藥餌費調和衰年足奇窮一  
醉仍坎壈清尊自不惡多病欲何奈聞公話少年舉白  
不論箇歌吟雜嘲謔笑語爭掀簸平明起相視銳意曾  
未挫達人遺形骸駑馬懷豆莖不知逃世網但解憂歲  
課不見獨醒人終費招魂些

衢州趙閱道少師濯纓亭

挂冠纓上已無塵猶愛溪光碧照人  
點檢舊遊黃石在掃除諸念白鷗親  
一尊父老囊金盡三逕松筠生事貧  
他日南公數人物丹青添入縣圖新

茶花二首

黃蘗春芽大麥麤傾山倒谷採無餘  
久疑殘枿陽和盡尚有幽花霰雪初  
耿耿清香崖菊淡依依秀色嶺梅如  
經冬結子猶堪種一畝荒園試為鉏

細嚼花鬚味亦長  
新芽一粟葉間藏  
稍經臘雪侵肌瘦  
旋得春雷發地狂  
開落空山誰比數  
烝烹來歲最先嘗  
枝枯葉硬天真在  
踏過牛羊未改香

次韻毛君山房即事十首

案牘稀疎意自閒  
夜闌幽夢曉方回  
青苔紅葉騷人事  
時見詩筒去又來

東晉仙人借舊山  
定應天意許公閒  
郡人欲問吏君處  
笑指峯巒紫翠間

蛩知秋候時鳴壁香礙蒲簾不出門隱几無言心有得  
南窓晴日暖侵軒

溪山付與醉中仙美酒何曾斗十千就得江邊賤魚稻  
閑官未用苦相憐

忘身先要解忘名分別須臾起不平請看早朝霜入屨  
何如卧聽打衙聲

禽哢秋來不復圓桐陰霜後亦成穿黃花強欲招酣飲  
白髮偏工報老年

邂逅清歡屢不期病來無奈羽觴飛醉乘藍輦江邊去  
長伴漁舟月下歸

醉裏題詩偏韻惡秋來歡酒益杯深不才多病俱非敵  
綠綺緣何得報金

庵中獨宿雨垂垂永夜無人款竹扉  
灰冷銅爐香欲滅  
床頭一點葛燈微

觸事隨緣不用多華堂玉食奈憂何  
美人未厭山阿陋  
薜荔為裳帶女蘿

再和十首

澗草巖花日日開江南秋盡似春回  
旋開還落無人顧惟有山蜂暖尚來

江上孤城面面山居人也自不曾閑  
蜂遊蟻聚知何事日夜長橋南北間

城郭村墟共水雲槿籬竹屋映柴門  
隱居亦有高人在岸幘無言倚釣軒

一官踈散自疑仙三考應成醉日千  
早病固須閑地着

多憂長被達人憐

養生尤復要功圓溜滴南溪石自穿近見牢山陳道士

微言約我更三年

牢山陳道士瑛近過此叩之  
竟無所云約三年當再見

張公詩社見公名

公昔與張伯達  
為唱和之友

白首山城歎不平坐

客要聞新樂府應須湔口琵琶聲

高情日與故山期鴻鵠誰言也倦飛且聽漁人強哺啜

坐中羈客畏公歸

天為多才故欲禁府門摧落漲江深鼎新翠壁排精鐵

湧出飛樓直百金

樓上青山遠四垂  
畫橋百步引朱扉  
落成當與公同上  
一看長江白練微

歌舞留賓意自多  
華燈數問夜如何  
白頭病客無才思  
慣卧茅簷長薜蘿

筠州二詠

牛尾狸

首如狸尾如牛  
攀條捷嶮如猱猴  
橘柚為漿栗為餽  
筋



肉不足惟膏油深居簡出善自謀尋踪發窟并執囚蓄  
租分散身為羞松薪瓦甑烝浮浮壓入糟盎肥欲流熊  
肪羊酪真比儔引筋將舉訊何尤無功竊食人所仇

黃雀

秋風下黃雀飛禾田熟黃雀肥羣飛蔽空日色薄逡巡  
百頃禾為稀翻翻巧捷多且微精九妙綴舉軌違乘時  
席勢不可揮一朝風雨寒霏霏肉多翅重天時非農夫  
舉網鷺合圍懸頸繫足膚無衣百箇同在仍相依頭顱

萬里行不歸北方居人厭羔豨咀噍耶發一笑欬

樂城集卷十